

Nafarroako Gobernua



Gobierno de Navarra

MIKROKONTAKIZUNEN LEHIAKETA

Nire eguneroko ekarpena hondakinak murrizteko

LEHIAKETAREN OINARRIAK

LEHENBIZIKOA. XEDEA.

Nafarroako Gobernuak, Landa Garapeneko, Ingurumeneko eta Toki Administrazio Departamentuaren bidez, mikrokontakizunen lehiaketa antolatu du, "Nire eguneroko ekarpena hondakinak murrizteko" izenburupean. Lehiaketa hori berria da "Nafarroaren Eguna" dela-eta egingen diren ekitaldien barnean eta eskola neska-mutilen **sormen literarioa** eta **ingurumenarekiko** harremana sustatzea du xede, beren **eguneroko bizitzan hondakin gutxiago sortzetik** abiatuta.

Parte-hartzaileek kontakizun labur bat idatzi beharko dute etxeko hondakinak murrizteko egunero egiten dituzten ekintzei buruz.

Aurkezten diren lanen originaltasuna baloratuko da.

BIGARRENA. PARTE HARTZEKO BALDINTZAK ETA FORMATUA.

"Nire eguneroko ekarpena hondakinak murrizteko" mikrokontakizunen lehen lehiaketa Nafarroako Foru Komunitateko 3. ikasmaitatik 6.era bitarteko ikasleei zuzenduta dago.

Lehiaketan bi kategoria daude:

- c) Lehen Hezkuntzako 3.a eta 4.a.
- d) Lehen Hezkuntzako 5.a eta 6.a.

Lehiaketa honetara aurkezten den ikastetxe bakoitzak bere finalistak hautatu beharko ditu, bat modalitateko, ikastetxearen ordezkari izan daitezen.

Aurkeztuko diren lanek originalak eta aurretik argitaratu gabeak izan beharko dute.

Lanak DIN A 4 formatuan aurkeztu behar dira, 10 puntuko Arial letrarekin eta 1,5eko lerroartearekin idatzirik, orriaren bi aldeetatik inprimaturik (paperean aurkezten badira), sinadurarik gabe eta lelo batekin. Horrekin batera gutun-azal itxi bat aurkeztuko da,

kanpoaldean leloa adieraziz, eta barruan egilearen datuak (izena, bi abizenak, ikastetxea, ikasmaila eta gela) jasotzen dituen orri bat sartuta.

Kontakizunaren luzera gutxienez orrialde batekoa izanen da, eta gehienez hiru orrialdekoa. Aukeratutako gaia "**Nire eguneroko ekarpena hondakinak murrizteko**" da.

Euskaraz nahiz gaztelaniaz egin daiteke.

HIRUGARRENA. NON ETA NOIZ AURKEZTU.

Irailaren 1etik 22ra eman daiteke izena, Landa Garapeneko, Ingurumeneko eta Toki Administrazioko Departamentuko ondoko helbide honetara zuzenduta, ikastetxearekin harremanetan jartzeko behar diren datu guztiak adieraziz:

Aukerak (fisikoki eta/edo telematikoki):

INGURUMENKO ETA LURRALDEAREN
ANTOLAMENDUKO ZUZENDARITZA NAGUSIA

Mikrokontakizunen lehiaketa

Ingurumenari buruzko Informazio eta
Hezkuntzaren Atala

González Tablas kalea, 9, beheko solairua

31005 Iruña (Nafarroa)

Harremanetarako datuak: 848 42 49 10 / 848

42 75 82 / 848 42 07 56 sian@navarra.es

LAUGARRENA. EPAIMAHAIA.

Ingurumeneko eta Lurraldearen Antolamenduko Zuzendaritza Nagusiak epaimahai bat aukeratuko du, Ingurumeneko eta Hezkuntzako langileek osatua.

Epaimahaiaren erabakia Landa Garapeneko, Ingurumeneko eta Toki Administrazioko Departamentuaren web orrian argitaratuko da, sarituak hautatu ondoren. Gainera, Hezkuntzako Buletinean, web orrian eta sare sozialetan argitaratuko da, aipatutako hedabideetan kontakizunak ere argitaratu ahalko direlarik.

BOSGARRENA. SARIAK.

Kategoria bakoitzerako saria honakoa izanen da:

3. Liburu elektroniko bat, naturari buruzko liburu sorta eta diploma, irabazlearendako.
4. SENDAVIVAr txangoa, gela osoarendako.

Irabazleak Nafarroaren Eguna ospatzeko ekitaldietara joanen dira beren lana irakurtzera eta sariak jasotzera. Sari banaketa abenduaren 3aren (Nafarroaren Egunaren) bezperatan izanen da, Nafarroako Jauregiko Tronuaren Aretoan.

Behar den aurrerapenarekin jakinaraziko zaie zehazki zer egunetan eta zer ordutan izanen diren sari banaketa eta kontakizun irabazleen irakurketa.

SEIGARRENA. PARTE HARTZEKO KONPROMISOA.

Lehiaketan parte hartzeak berekin dakar oinarri hauek onartzea eta, orobat, Epaimahaiak edo Landa Garapeneko, Ingurumeneko eta Toki Administrazioako Departamentuak hartutako erabakiak onartzea.

Oinarriak ez betetzeak lehiaketatik kanpo gelditzea ekar dezake, Epaimahaiak edo Landa Garapeneko, Ingurumeneko eta Toki Administrazioako Departamentuak erabakitzen badute.

ZAZPIGARRENA. ESKUBIDEAK.

Landa Garapeneko, Ingurumeneko eta Toki Administrazioako Departamentuak eskubidea izanen du finkatutako arauak betetzen ez dituen edonor lehiaketatik kanpo uzteko; lehiaketa behar bezala joan dadin behar diren arau osagarriak emateko eta salbuespenak baimentzeko; eta ordutegiak finkatzeko edo aldatzeko, betiere, behar den aurrerapenarekin iragarriko dituelarik.

"Nire eguneroko ekarpena hondakinak murrizteko" mikrokontakizunen lehiaketan parte hartzeak berekin dakar Landa Garapeneko, Ingurumeneko eta Toki Administrazioako Departamentuari lagatzea aurkeztutako lanak, bai eta horiek kopiatzeko, banatzeko eta komunikazio publikorako eskubideak ere.

ZORTZIGARRENA. DATUEN BABESA.

Datu Pertsonalak Babesteari buruzko abenduaren 13ko 15/1999 Lege Organikoan xedatutakoa betez, Nafarroako Gobernuaren fitxategi batean sartuko dira igorritako eskabide honetatik ateratzen diren datu pertsonalak, eskatzaileek horiek tratatzeko baimena ematen dutelarik.